

**BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE, STAMBENO-KOMUNALNE
I POSLOVE MJESNIH ZAJEDNICA**

Broj: 03-05-6517/19
Lukavac, 05.08.2019. godine

Na osnovu člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 02-05-6517/19 od 02.08.2019. godine u postupku javne nabavke radova na izgradnji spomen obilježja u MZ Puračić Pomoćnik općinskog načelnika za Službu za investicije, komunalno-stambene i poslove mjesnih zajednica, d o n o s i

**O D L U K U
o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 03-05-6517/19 i Ugovor za javnu nabavku radova na izgradnji spomen obilježja u MZ Puračić dodjeljuje se ponuđaču "SE – SARAJKA" d.o.o. Živinice, ponuda broj: S-953/19 od 29.07.2019. godine i konačne rang liste, za ponuđenu cijenu u vrijednosti od 46.748,50 KM bez PDV-a, kao jedinom kvalificiranom i prihvatljivom ponuđaču.

Član 2.

Izabrani ponuđač dužan je nakon prijema odluke o izboru dostaviti u roku od 7 dana originale ili ovjerene kopije dokaza o ispunjavanju uslova iz člana 45. stav (1) tačka a) do d) Zakona o javnim nabavkama BiH, navedene u tačkama 12.2. tenderske dokumentacije broj: 03-05-6517/19.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ponuda će biti odbačena kao neprihvatljiva.

Član 3.

Prijedlog ugovora o nabavci dostavit će se na potpis izabranom ponuđaču najkasnije u roku od 10 (deset) dana od dana obavještenja učesnika postupka o izboru najpovoljnijeg ponuđača.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se ponuđaču koji je učestvovao u konkurentskom postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Otvoreni postupak javne nabavke pokrenut je Odlukom o pokretanju postupka javne nabavke broj: 03-02-1-6516/19 od 11.07.2019. godine. Javna nabavka je sprovedena postupkom otvorenog zahtjeva za dostavu ponuda. Procjenjena vrijednost javne nabavke bez PDV-a je 46.800,00 KM.

Obavještenje o nabavci broj: 719-7-2-49-3-70/19 objavljeno je u Sl. glasniku BiH broj: 49/19 i na Portalu javnih nabavki.

Komisija za provođenje otvorenog postupka nabavke imenovana Rješenjem broj: 02-05-6653/19 od 16.07.2019. godine dostavila je ugovornom organu - Pomoćniku općinskog načelnika za Službu za investicije, komunalno-stambene i poslove mjesnih zajednica Zapisnik o pregledu i ocjeni ponuda broj: 03-05-6517/19 od 02.08.2019. godine, Preporuku o izboru najpovoljnijeg ponuđača broj: 03-05-6517/19 od 02.08.2019. godine i Izvještaj o radu broj: 03-05-6517/19 od 02.08.2019. godine.

U postupku izrade Izvještaja o radu je utvrđeno da je Komisija za provođenje otvorenog postupka javne nabavke blagovremeno i pravilno izvršila otvaranje, pregled i ocjenu pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljena jedna ponuda;
- da nije bilo neblagovremeno zaprimljenih ponuda;
- da je zaprimljena ponuda kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje otvorenog postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 46.800,00 KM i da je kriterij za dodijelu ugovora najniža cijena.

Ponuđač "SE - SARAJKA" d.o.o. Živinice dostavio je prihvatljivu ponudu sa cijenom u iznosu od 46.748,50 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 89., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(02-05-1056/19 od 29.01.2019. godine)
Mirela Bubić, djelopravnik



Dostaviti:

1. "SE-SARAJKA" d.o.o. Živinice
2. ul. Pašage Gogića bb/75270 Živinice
3. Evidenciji
4. U spis predmeta
5. Arhivi-